

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava Ministarstva za rad, socijalnu politiku i izbjeglice za 2018. godinu, broj: 02-14-3073/18 od 22.02.2018. godine i broj: 02-14-11047/18 od 05.07.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 154. sjednici održanoj dana 13.08.2018. godine, d o n o s i

ODLUKU

o odobavanju sredstava za sufinansiranje sanacije i asfaltiranja dionice puta „Oruče-Bistrica“ (P13-P60) u MZ Oruče, općina Maglaj s ciljem potpore održivom povratku

Član 1.

(Predmet)

Odobravaju se sredstva u iznosu od 15.000,00 KM (slovima: petnaest hiljada konvertibilnih maraka) izabranom izvođaču radova „RIAL-ŠPED“ d.o.o. Doboj Istok, u provedenoj proceduri javnih nabavki od strane Federalnog ministarstva raseljenih osoba i izbjeglica, kao učešće Zeničko-dobojskog kantona u sufinansiranju sanacije i asfaltiranja dionice puta „Oruče-Bistrica“ (P13-P60) u MZ Oruče, općina Maglaj s ciljem potpore održivom povratku.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 01/18) razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica”.

Član 3.

(Uplata sredstava)

Doznaka odobrenih finansijskih sredstava vršiti će se na račun izvođača radova „RIAL-ŠPED“ d.o.o. Doboj Istok, na način definisan Ugovorom o izvođenju radova.

Član 4.

(Ovlaštenje i provođenje Odluke)

- (1) Ovlašćuje se ministar za rad, socijalnu politiku i izbjeglice da u ime Vlade Zeničko-dobojskog kantona potpiše Ugovor o izvođenju radova na projektu iz člana 1. ove odluke, a koji su potpisali ostali sufinansijeri na realizaciji ovog projekta: Federalno ministarstvo raseljenih osoba i izbjeglica kao nosilac projekata i MZ Oruče sa odabranim izvođačem radova.
- (2) Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.

(Izvještavanje)

Federalno ministarstvo raseljenih osoba i izbjeglica, kao nosilac projekata, će koordinirati sa Ministarstvom za rad, socijalnu politiku i izbjeglice Zeničko-dobojskog kantona s ciljem praćenja i izvještavanja o stepenu implementacije projekata.

Član 6.
(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona”.

Broj: 02- 14-12911/18.

Datum 13.08.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Federalno ministarstvo raseljenih osoba i izbjeglica (putem ministarstva),

1x „RIAL-ŠPED“ d.o.o. Dobož Istok (putem ministarstva),

1x “Službene novine Zeničko-Dobojskog kantona”,

1x a/a.